

四庫全書薈要

• 乾隆御覽本

史部

欽定四庫全書

史部

記卷三十九

詳校官主事銜臣徐以坤




欽定四庫全書薈要卷三千六百十七

史部

史記卷三十九

漢 太 史 令司馬遷 撰

 宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

晉世家第九

唐叔虞者周武王子而成王弟

索隱唐叔以夢及于文而名曰虞至成王誅唐

之後因戲削桐而封之叔字也故曰唐叔虞而唐有晉
水至于變改其國號曰晉侯然晉初封于唐故稱晉唐
叔虞也且唐本堯後封在夏墟而都於鄆鄆今在大夏
是也及成王滅唐之後又分徙之於許鄆之間故春秋
有唐成公是也即初武王與叔虞母會時

集解駢案左傳曰邑姜方

娠太叔服虔曰邑姜武王后齊太公女

夢天謂武王曰余命女生子名虞

余與之唐及生子文在其手曰虞故遂因命之曰虞武

王崩成王立唐有亂

正義括地志云故唐城在絳州翼城縣西二十里即堯裔子所封春

秋云夏孔甲時有堯苗裔劉累者以養龍事孔甲夏后嘉之賜氏御龍以更豕韋之後龍一雌死潛醢之以食夏后既而使求之懼而遷於魯縣夏后召孟別封劉累之孫于大夏之墟為侯至周成王時唐人作亂成王滅

之而封太叔更遷唐人子孫于杜謂之杜伯即范甸所
云在周為杜唐氏按魯縣汝州魯山縣是今隨州棗陽
縣東南一百五十里上唐鄉故城即後子孫徙於唐

周公誅滅唐成王與叔虞戲

削桐葉為珪以與叔虞曰以此封若史佚因請擇日立
叔虞成王曰吾與之戲爾史佚曰天子無戲言言則史
書之禮成之樂歌之於是遂封叔虞於唐唐在河汾之

東方百里故曰唐叔虞

集解駟案世本曰居鄂宋忠曰鄂地今在大夏正義括地志云

故鄂城在慈州昌寧縣東二里按與絳州夏縣相近禹
都安邑故城在縣東北十五里故云在大夏也然封于

河汾二水之東方百里正合在晉州平陽縣不合在鄂未詳

姓姬氏字子于唐叔子

燮是為晉侯

正義燮音先牒反括地志云故唐城在并州晉陽縣北二里城記云完築也宗國都

城記唐叔虞之子燮父徙居晉水傍今并理故唐城唐者即燮父初徙之處也毛詩譜云叔虞子燮父以完墟

南有晉水晉侯子寧族是為武侯索隱系本作曼期武

侯之子服人是為成侯成侯子福是為厲侯索隱系本作輻厲

侯子宜臼是為靖侯靖侯己未年紀可推自唐叔至靖

侯五世無其年數靖侯十七年周厲王迷惑暴虐國人

作亂厲王出奔于彘大臣行政故曰共和正義厲王奔彘周召和其

百姓行政十八年靖侯卒子釐侯司徒立釐侯十四年

號曰共和

周宣王初立十八年釐侯卒子獻侯籍立

索隱系本及譙周皆作蕚

獻侯十一年卒子穆侯費王立

索隱郇誕本作弗生或作潰王並音祕

穆

侯四年取齊女姜氏為夫人七年伐條生太子仇

集解杜預

曰條晉地

十年伐千畝有功

集解杜預曰西河界休縣南有地名千畝

生少子名

曰成師

集解杜預曰意取能成其衆也

晉人師服曰

集解賈逵曰晉大夫

異哉君

之命子也太子曰仇仇者讐也少子曰成師成師大號

成之者也名自命也物自定也今適庶名反逆此後晉

其能毋亂乎二十七年穆侯卒弟殤叔自立太子仇出

奔殤叔三年周宣王崩四年穆侯太子仇率其徒襲殤叔而立是為文侯文侯十年周幽王無道犬戎殺幽王周東徙而秦襄公始列為諸侯三十五年文侯仇卒子

昭侯伯立昭侯元年封文侯弟成師于曲沃

索隱河東之縣名漢

武帝改曰

曲沃邑大於翼翼晉君都邑也

索隱翼本晉都自孝侯已

武帝改曰曲沃邑縣東翼城是也

成師封曲沃號為桓叔靖侯庶孫

欒賓

正義世本云欒叔賓父也

相桓叔桓叔是時年五十八矣好德

晉國之衆皆附焉君子曰晉之亂其在曲沃矣末大於

本而得民心不亂何待七年晉大臣潘父弑其君昭侯而迎曲沃桓叔桓叔欲入晉晉人發兵攻桓叔桓叔敗還歸曲沃晉人共立昭侯子平為君是為孝侯誅潘父

孝侯八年曲沃桓叔卒子鰾代桓叔是為曲沃莊伯

索隱

鰾音時戰反又音善又音阨

孝侯十五年曲沃莊伯弑其君晉孝侯

于翼晉人攻曲沃莊伯莊伯復入曲沃晉人復立孝侯

子郄為君是為鄂侯

索隱系本作郄而他本亦作郄正義音邱戰反

鄂侯二年

魯隱公初立鄂侯六年卒曲沃莊伯聞鄂侯卒乃興兵

伐晉周平王使虢公將兵伐曲沃莊伯莊伯走保曲沃

晉人共立鄂侯子光是為哀侯哀侯二年曲沃莊伯卒

子稱代莊伯立

正義稱尺證反

是為曲沃武公哀侯六年魯弑

其君隱公哀侯八年晉侵陘廷

集解賈逵曰翼南鄆邑名

陘廷與曲

沃武公謀九年伐晉于汾旁

正義白郎反汾水之旁

虜哀侯晉人

乃立哀侯子小子為君是為小子侯

集解駉案禮記曰天子未除喪曰余

小子生名之死亦名之鄭玄曰晉有小子侯是取之天子也

小子元年曲沃武公使

韓萬殺所虜晉哀侯

集解賈逵曰韓萬曲沃桓叔之子莊伯弟

曲沃益彊晉

無如之何晉小子之四年曲沃武公誘召晉小子殺之

周桓王使虢仲

正義馬融云周武王克商封文王異母弟虢仲於夏陽

伐曲沃武

公武公入于曲沃乃立晉哀侯弟緡為晉侯晉侯緡四

年宋執鄭祭仲而立突為鄭君晉侯十九年齊人管至

父弑其君襄公晉侯二十八年齊桓公始霸曲沃武公

伐晉侯緡滅之盡以其寶器賂獻于周釐王釐王命曲

沃武公為晉君列為諸侯於是盡併晉地而有之曲沃

武公已即位三十七年矣更號曰晉武公晉武公始都

晉國前即位曲沃通年三十八年武公稱者先晉穆侯

曾孫也

索隱晉有兩穆侯言先以別後

曲沃桓叔孫也桓叔者始封曲

沃武公莊伯子也自桓叔初封曲沃以至武公滅晉也

凡六十七歲而卒代晉為諸侯武公代晉二歲卒與曲

沃通年即位凡三十九年而卒子獻公詭諸立獻公元

年周惠王弟頽攻惠王惠王出奔居鄭之櫟邑

索隱櫟鄭邑今

河南陽翟是也故鄭之十邑有櫟有莘

五年伐驪戎得驪姬

集解韋昭曰西戎之別在

驪山也

驪姬弟俱愛幸之八年士為說公

集解賈逵曰士為晉大夫

曰

故晉之羣公子多不誅亂且起乃使盡殺諸公子而城

聚都之

集解賈逵曰聚晉邑

命曰絳始都絳

索隱春秋莊二十六年傳士為城絳是也

杜預曰今平陽絳邑縣應劭曰絳水出西南也

九年晉羣公子既亡奔虢虢以

其故再伐晉弗克十年晉欲伐虢士為曰且待其亂十

二年驪姬生奚齊獻公有意廢太子乃曰曲沃吾先祖

宗廟所在而蒲邊秦屈邊翟

集解韋昭曰蒲今蒲坂屈北屈皆在河東杜預曰蒲

今平陽蒲子縣是也

不使諸子居之我懼焉於是使太子申生居

曲沃公子重耳居蒲公子夷吾居屈獻公與驪姬子奚

齊居絳晉國以此知太子不立也太子申生其母齊桓
公女也曰齊姜早死申生同母女弟為秦穆公夫人重
耳母翟之狐氏女也夷吾母重耳母女弟也獻公子八
人而太子申生重耳夷吾皆有賢行及得驪姬乃遠此
三子十六年晉獻公作二軍

集解駟案左傳曰王使虢公命曲沃伯以一軍為晉

侯今始為二軍公將上軍太子申生將下軍趙夙御戎畢萬為

右伐滅霍滅魏滅耿

集解服虔曰三國皆姬姓魏在晉之蒲坂河東也杜預曰平陽皮氏

縣東南有耿鄉永安縣東北有霍太山也索隱按永安縣西南汾水西有霍城古霍國有霍水出霍太山地理

志河東河北縣古魏國地記亦以為然服虔云在蒲坂非也地記又曰皮氏縣汾水南耿城是故耿國也還

為太子城曲沃賜趙夙耿賜畢萬魏以為大夫士蒞曰

太子不得立矣分之都城集解服虔曰邑有先君之主曰都而位以卿

集解賈逵曰謂將下軍先為之極集解服虔曰言其祿位極盡於此又安得立不

如逃之無使罪至為吳太伯不亦可乎集解王肅曰太伯知天命在王

季奔吳不反猶有令名集解王肅曰雖去猶可有令名何與其坐而及禍也太子不從

卜偃曰畢萬之後必大集解賈逵曰卜偃晉掌卜大夫郭偃萬盈數也魏

大名也集解服虔曰數從一至萬為滿魏喻魏高大也以是始賞天開之矣

集解服虔曰以魏賞

天子曰兆民諸侯曰萬民今命之

大以從盈數其必有衆

集解杜預曰以魏從萬有衆多之象

初畢萬卜仕

於晉國遇屯之比

集解賈逵曰震下坎上屯坤下坎上比屯屯初九變之比

辛廖占

之曰吉

集解賈逵曰辛廖晉大夫

屯固比入吉孰大焉

集解杜預曰屯險難也所

以為堅固比親

其後必蕃昌十七年晉侯使太子申生

伐東山

集解賈逵曰東山赤狄別種

里克諫獻公

集解賈逵曰里克晉卿里季也

曰

太子奉冢祀社稷之粢盛以朝夕視君膳者也

集解服虔曰厨

膳飲

故曰冢子君行則守有守則從

集解服虔曰有代太子守則從之

從曰撫軍

集解服虔曰助君撫循軍士

守曰監國古之制也夫率師

專行謀也

集解杜預曰率師者必專謀軍事

誓軍旅

集解杜預曰宣號令

君與國

政之所圖也

集解賈逵曰國政正卿也

非太子之事也師在制命而

已

集解杜預曰命將軍所制

稟命則不威專命則不孝故君之嗣適

不可以帥師君失其官

集解杜預曰太子統師是失其官

率師不威將

安用之

集解杜預曰專命則不孝是為師必不威也

公曰寡人有子未知其

太子誰立里克不對而退見太子太子曰吾其廢乎里

克曰太子勉之教以軍旅

集解賈逵曰將下軍

不共是懼何故廢

乎且子懼不孝母懼不得立

集解服虔曰不得立已

修已而不責

人則免於難太子帥師公衣之偏衣

集解服虔曰偏聚之衣偏異色駁不

純聚在中左右異故曰偏衣杜預曰偏衣左右異色其半似公服韋昭曰偏半也分身之半以授太子正義上衣去聲下佩之金玦

集解服虔曰以金為玦也韋昭曰金玦兵要也正義玦音決

里

克謝病不從太子太子遂伐東山十九年獻公曰始吾

先君莊伯武公之誅晉亂而虢常助晉伐我

正義言虢助晉伐曲

沃也又匿晉亡公子果為亂弗誅後遺子孫憂乃使荀息

以屈產之乘

集解何休曰屈產出名馬之地乘備駟也

假道於虞虞假道遂

伐虢

集解賈逵曰虢在晉南虢在虞南

取其下陽以歸

集解服虔曰下陽虢邑也在大

陽東北三十里穀梁傳曰下陽虞虢之塞邑

獻公私謂驪姬曰吾欲廢太子

以奚齊代之驪姬泣曰太子之立諸侯皆已知之而數

將兵百姓附之奈何以賤妾之故廢適立庶君必行之

妾自殺也驪姬詳譽太子而陰令人譖惡太子而欲立

其子二十一年驪姬謂太子曰君夢見齊姜太子速祭

曲沃

集解服虔曰齊姜廟所在

歸釐於君太子於是祭其母齊姜於

曲沃上其薦胙於獻公獻公時出獵置胙於宮中驪姬

使人置毒藥胙中居二日

索隱傳云六日

獻公從獵來還宰人

上胙獻公獻公欲饗之驪姬從傍止之曰胙所從來遠

宜試之祭地地墳

集解韋昭曰將飲先祭示有先也墳起也

與犬犬死與小

臣小臣死

集解韋昭曰小臣官名掌陰事今闕士也

驪姬泣曰太子何忍也

其父而欲弑代之况他人乎且君老矣旦暮之人曾不

能待而欲弑之謂獻公曰太子所以然者不過以妾及

奚齊之故妾願子母辟之他國若早自殺毋徒使母子

為太子所魚肉也始君欲廢之妾猶恨之至於今妾殊

自失於此索隱太子之行如此妄前見君欲廢而恨之今乃自以恨為失也

太子聞之

奔新城

集解韋昭曰新城曲沃也新為太子城

獻公怒乃誅其傅杜原款

或謂太子曰為此藥者乃驪姬也太子何不自辭明之

太子曰吾君老矣非驪姬寢不安食不甘即辭之君且

怒之不可或謂太子曰可奔他國太子曰被此惡名以

出人誰內我我自殺耳十二月戊申申生自殺於新城

索隱國語云申生乃雉經於新城廟

此時重耳夷吾來朝人或告驪姬曰

二公子怨驪姬譖殺太子驪姬恐因譖二公子申生之

樂胙二公子知之二子聞之恐重耳走蒲夷吾走屈保

其城自備守初獻公使士為為二公子築蒲屈城弗就

正義為為說夷吾以告公公怒士為士為謝曰邊城少

反為于偽反

寇安用之退而歌曰狐裘蒙茸一國三公吾誰適從

集解

服虔曰蒙茸以言亂貌三公言卒就城及申生死二子

亦歸保其城二十二年獻公怒二子不辭而去果有謀

矣乃使兵伐蒲蒲人之宦者勃鞞

集解韋昭曰伯楚寺人勃之字也於文公

時為勃鞞也正義勃

命重耳促自殺重耳踰垣宦者追

白茂反鞞都提反

斬其衣袪

集解服虔曰袪袂也

重耳遂奔翟使人伐屈屈城守不

可下是歲也晉復假道於虞以伐虢虞之大夫宮之奇

諫虞君曰晉不可假道也是且滅虞虞君曰晉我同姓

不宜伐我宮之奇曰太伯虞仲太王之子也太伯亡去

是以不嗣虢仲虢叔王季之子也為文王卿士其記勲

在王室藏於盟府

集解杜預曰盟府司盟之官也

將虢是滅何愛于虞

且虞之親能親於桓莊之族乎桓莊之族何罪盡滅之

虞之與虢唇之與齒唇亡則齒寒虞公不聽遂許晉宮

之奇以其族去虞其冬晉滅虢虢公醜奔周

集解駟案
皇覽曰虢

公冢在河內溫縣郭東濟水南
大冢是也其城南有虢公臺

還襲滅虞虜虞公及其

大夫井伯百里奚

正義南雍州記云百里奚宋井伯宛人也

以媵秦穆姬

集解

杜預曰穆姬獻公女
送女曰媵以屈辱之

而修虞祀

集解服虔曰虞所祭祀命祀也

荀息牽

冀所遺虞屈產之乘馬奉之獻公獻公笑曰馬則吾馬

齒亦老矣

集解駟案公羊傳曰蓋戲之也何休曰以馬齒戲喻荀息之年老也

二十三年

獻公遂發賈華等伐屈

集解賈逵曰賈華晉右行大夫

屈潰

正義民逃其上曰潰

夷吾將奔翟冀芮曰不可

集解韋昭曰冀芮晉大夫

重耳已在矣今

往晉必移兵伐翟翟畏晉禍且及不如走梁梁近於秦

秦彊吾君百歲後可以求入焉遂奔梁二十五年晉伐

翟翟以重耳故亦擊晉於鼇桑

集解駢案左傳作采桑服虔曰翟地索隱裴氏

云左傳作采桑按今平陽縣南七十里河水有采桑津是晉境服虔云翟地亦頗相近然字作鼇桑鼇桑衛地

恐非也晉兵解而去當時晉彊西有河西與秦接境北

邊翟東至河內

索隱河內河曲也內音納

驪姬弟生悼子

索隱左傳作卓子音

耻角反弟女弟也

二十六年夏齊桓公大會諸侯於葵丘

正義在曹

州考城縣東南一里

晉獻公病行後未至逢周之宰孔宰孔曰齊

桓公益驕不務德而務遠略諸侯弗平君第母會

索隱第但

也

母如晉何獻公亦病復還歸病甚乃謂荀息曰吾以

奚齊為後年少諸大臣不服恐亂起子能立之乎荀息

曰能獻公曰何以為驗對曰使死者復生生者不慙為

之驗

索隱謂荀息受公命而立奚齊雖復身死不肯生時之命是謂死者復生也言生者見荀息不肯君

命而死不為之羞慙也

於是遂屬奚齊於荀息荀息為相主國政

秋九月獻公卒里克邳鄭欲內重耳以三公子之徒作

亂

集解賈逵曰邳鄭晉大夫三公子申生重耳夷吾

謂荀息曰三怨將起秦晉

輔之子將何如荀息曰吾不可負先君言十月里克殺

奚齊于喪次獻公未葬也荀息將死之或曰不如立奚

齊弟悼子而傅之荀息立悼子而葬獻公十一月里克

弑悼子于朝

集解駢案列女傳曰鞭殺驪姬于市

荀息死之君子曰詩所

謂白珪之玷猶可磨也斯言之玷不可為也

集解杜預曰詩大雅

言此言之缺難治甚於白珪

其荀息之謂乎不負其言初獻公將伐

驪戎卜曰齒牙為禍

集解韋昭曰齒牙謂兆端左右釁折有似齒牙中有縱畫以象讒言

之為及破驪戎獲驪姬愛之竟以亂晉里克等已殺奚

齊悼子使人迎公子重耳於翟

正義國語云里克及邳鄭使屠岸夷迎公子

重耳於翟曰國亂民擾得國

在亂治民在擾子盍入手欲立之重耳謝曰負父之

命

正義負音佩

出奔父死不得修人子之禮侍喪重耳何敢

入大夫其更立他子還報里克里克使迎夷吾於梁夷

吾欲往呂省

正義省音肯杜預云姓瑕呂名飴甥字子金

邵芮

正義邵成子即冀芮

曰

內猶有公子可立者而外求難信計非之秦輔彊國之

威以入恐危乃使邵芮厚賂秦約曰即得入請以晉河

西之地與秦乃遺里克書曰誠得立請遂封子於汾陽

之邑

集解賈逵曰汾水名汾陽晉地也索隱國語云命里克汾陽之田百萬命邳鄭以負葵之田七十萬

今此不言亦疎略也

秦穆公乃發兵送夷吾於晉齊桓公聞晉內

亂亦率諸侯如晉秦兵與夷吾亦至晉齊乃使隰朋會

秦俱入夷吾立為晉君是為惠公齊桓公至晉之高梁

而還歸惠公夷吾元年使邳鄭謝秦曰始夷吾以河西

地許君今幸得入立大臣曰地者先君之地君亡在外

何以得擅許秦者寡人爭之弗能得故謝秦亦不與里

克汾陽邑而奪之權四月周襄王使周公忌父

集解賈逵曰周

卿士會齊秦大夫共禮晉惠公惠公以重耳在外畏里克

為變賜里克死謂曰微里子寡人不得立雖然子亦殺

二君一大夫集解服虔曰奚齊悼子荀息也為子君者不亦難乎里克

對曰不有所廢君何以興欲誅之其無辭乎乃言為此

臣聞命矣遂伏劍而死於是邳鄭使謝秦未還故不及

難晉君改葬恭太子申生集解韋昭曰獻公時申生葬不如禮故改葬之秋狐

突之下國集解服虔曰晉所滅國以為下邑一曰曲沃有宗廟故謂之國在絳下故曰下國也遇

申生申生與載而告之集解杜預曰忽如夢而相見狐突本為申生御故復使登車

曰夷吾無禮余得請於帝

集解服虔曰帝天帝請罰有罪

將以晉與秦

秦將祀余狐突對曰臣聞神不食非其宗君其祀毋乃

絕乎君其圖之申生曰諾吾將復請帝後十日

集解駉案左傳

曰七日新城西偏將有巫者見我焉

集解杜預曰將因巫以見

許之遂

不見

集解杜預曰狐突許其言申生之象亦沒

及期而往復見申生告之曰

帝許罰有罪矣弊於韓

集解賈逵曰弊敗也韓晉韓原

兒乃謠曰恭太

子更葬矣

索隱更改也更葬謂改葬

後十四年晉亦不昌昌乃在兄

邲鄭使秦聞里克誅乃說秦繆公曰呂省卻稱葬芮實

為不從

集解杜預曰三子晉大夫不從不與秦賂也索隱呂省左傳作呂甥

若重賂與謀

出晉君入重耳事必就秦繆公許之使人與歸報晉厚

賂三子三子曰幣厚言甘此必邳鄭賣我於秦遂殺邳

鄭及里克邳鄭之黨七輿大夫

集解韋昭曰七輿中生下軍之衆大夫也杜預

曰侯伯七命副車七乘

邳鄭子豹奔秦言伐晉繆公弗聽惠公之

立倍秦地及里克誅七輿大夫國人不附二年周使召

公過

集解韋昭曰召武公為王卿士

禮晉惠公惠公禮倨

索隱謂受玉情也事見僖

年十一召公譏之四年晉饑乞糴於秦繆公問百里奚

集解

服虔曰
秦大夫

百里奚曰天蓄流行國家代有救蓄恤鄰國之

道也與之邳鄭子豹曰伐之繆公曰其君是惡其民何

罪卒與粟自雍屬絳五年秦饑請糴於晉晉君謀之慶

鄭曰

集解杜預曰
慶鄭晉大夫

以秦得立已而倍其地約晉饑而秦

貸我今秦饑請糴與之何疑而謀之虢射曰

集解服虔
曰虢射惠

公往年天以晉賜秦秦弗知取而貸我今天以秦賜晉

晉其可以逆天乎遂伐之惠公用虢射謀不與秦粟而

發兵且伐秦秦大怒亦發兵伐晉六年春秦繆公將兵

伐晉晉惠公謂慶鄭曰秦師深矣

集解韋昭曰深入境一日深猶重

奈

何鄭曰秦內君君倍其賂晉饑秦輸粟秦饑而晉倍之

乃欲因其饑伐之其深不亦宜乎晉卜御右慶鄭皆吉

公曰鄭不孫

集解服虔曰孫順

乃更令步陽御戎僕徒為右

集解服虔曰二子晉大夫也

進兵九月壬戌秦繆公晉惠公合戰韓

原

索隱在馮翊夏陽北二十里今之鞏城縣是

惠公馬驚不行

索隱驚音竹二反謂馬重

而陷之於泥

秦兵至公窘召慶鄭為御鄭曰不用卜敗不亦

當乎遂去更令梁繇靡御

正義韋昭云梁繇靡大夫也

虢射為右輅

秦繆公

集解服虔曰輅迎也索隱音五稼反鄒誕音或額反

繆公壯士冒敗晉軍

晉軍敗遂失秦繆公反獲晉侯以歸秦將以祀上帝晉

君姊為繆公夫人哀絰涕泣公曰得晉侯將以為樂今

乃如此且吾聞箕子見唐叔之初封曰其後必當大矣

晉庸可滅乎乃與晉侯盟王城

集解杜預曰馮翊臨晉縣東有王城

而許

之歸晉侯亦使呂省等報國人曰孤雖得歸毋面目見

社稷卜日立子圉晉人聞之皆哭秦繆公問呂省晉國

和乎對曰不和小人懼失君亡親

正義君惠公也親父母也言懼失君國亂

恐亡父母不憚立于圉曰必報讐寧事戎狄

正義小
人言立

子圉為君之後必報秦其君子則愛君而知罪以待秦

命曰必報德有此二故不和於是秦繆公更舍晉惠公

餽之七牢

正義餽音匱一牛
一羊一豕為一牢

十一月歸晉侯晉侯至國

誅慶鄭修政教謀曰重耳在外諸侯多利內之欲使人

殺重耳於狄重耳聞之如齊八年使太子圉質秦

正義
質音

致初惠公亡在梁梁伯以其女妻之生一男一女梁伯

卜之男為人臣女為人妾故名男為圉女為妾

集解服虔曰圉

人掌養馬臣之十年秦滅梁梁伯好土功治城溝

集解賈逵

賤者不聘曰妾

曰溝塹也

民力罷

正義音皮

怨其衆數相驚曰秦寇至民恐惑秦

竟滅之十三年晉惠公病內有數子太子圉曰吾母家

在梁梁今秦滅之我外輕於秦而內無援於國君即不

起病大夫輕更立他公子乃謀與其妻俱亡歸秦女曰

子一國太子辱在此秦使婢子侍

集解服虔曰曲禮云世婦以下自稱婢子

婢子婦人之卑稱

以固子之心子亡矣我不從子亦不敢言子

圉遂亡歸晉十四年九月惠公卒太子圉立是為懷公

子圉之亡秦怨之乃求公子重耳欲內之子圉之立畏

秦之伐也乃令國中諸從重耳亡者與期期盡不到者

盡滅其家狐突之子毛及偃從重耳在秦弗肯召懷公

怒囚狐突突曰臣子事重耳有年數矣今召之是教之

反君也何以教之懷公卒殺狐突秦繆公乃發兵送內

重耳使人告欒卻之黨

正義欒枝
却穀之屬

為內應殺懷公於高

梁入重耳重耳立是為文公晉文公重耳晉獻公之子

也自少好士年十七有賢士五人曰趙衰狐偃咎犯文

公舅也賈佗先軫魏武子自獻公為太子時重耳固已

成人矣獻公即位重耳年二十一獻公十三年以驪姬

故重耳備蒲城守秦獻公二十一年獻公殺太子申生

驪姬讒之恐不辭獻公而守蒲城獻公二十二年獻公

使宦者履鞮趣殺重耳

索隱履鞮即左傳之勃鞮亦曰寺人披也

重耳踰垣

宦者逐斬其衣袪重耳遂奔狄狄其母國也是時重耳

年四十三從此五士其餘不名者數十人至狄狄伐咎

如集解賈逵曰赤狄之別隗姓索隱咎如音高鄒誕本作国如又云或作因

得二女以長女

妻重耳生伯儵

正義直留反

叔劉以少女妻趙衰生盾

索隱左傳

云伐廬咎如獲其二女以叔隗妻趙衰生盾公子取季隗生伯儵叔劉則叔隗長而季隗少乃不同也

居

狄五歲而晉獻公卒里克已殺奚齊悼子乃使人迎欲

立重耳重耳畏殺因固謝不敢入已而晉更迎其弟夷

吾立之是為惠公惠公七年畏重耳乃使宦者履鞮與

壯士欲殺重耳重耳聞之乃謀趙衰等曰始吾奔狄非

以為可用興

索隱興起也非狄可用興起故奔之也

以近易通故且休足

休足久矣固願徙之大國夫齊桓公好善志在霸王救

恤諸侯今聞管仲隰朋死此亦欲得賢佐盍往乎於是

遂行重耳謂其妻曰待我二十五年不來乃嫁其妻笑

曰犂二十五年

索隱犂猶比也正義杜預云言將死入木也不復成嫁也

吾冢上柏

大矣雖然妾待子重耳居狄凡十二年而去過衛衛文

公不禮去過五鹿

集解賈逵曰衛地杜預曰今衛縣西北有地名五鹿陽平元城縣東亦有

五鹿飢而從野人乞食野人盛土器中進之重耳怒趙衰

曰土者有土也君其拜受之至齊齊桓公厚禮而以宗

女妻之有馬二十乘重耳安之重耳至齊二歲而桓公

卒會豎刁等為內亂齊孝公之立諸侯兵數至留齊凡

五歲重耳愛齊女毋去心趙衰咎犯乃於桑下謀行齊

女侍者在桑下聞之以告其主其主乃殺侍者

集解服虔曰懼

孝公怒故殺之以滅其口

勸重耳趣行重耳曰人生安樂孰知其他

必死於此

集解徐廣曰一云人生一世必死於此

不能去齊女曰子一國

公子窮而來此數士者以子為命子不疾反國報勞臣

而懷女德竊為子羞之且不求何時得功乃與趙衰等

謀醉重耳載以行行遠而覺重耳大怒引戈欲殺咎犯

咎犯曰殺臣成子偃之願也重耳曰事不成我食舅氏

之肉咎犯曰事不成犯肉腥臊何足食乃止遂行過曹

曹共公不禮欲觀重耳駢脇曹大夫釐負羈曰晉公子

賢又同姓窮來過我奈何不禮共公不從其謀負羈乃

私遺重耳食置璧其下重耳受其食還其璧去過宋宋

襄公新困兵於楚傷於泓聞重耳賢乃以國禮禮於重

耳

索隱以國君之禮禮之也

宋司馬公孫固善於咎犯曰宋小國新

困不足以求入更之大國乃去過鄭鄭文公弗禮鄭叔

瞻諫其君曰晉公子賢而其從者皆國相且又同姓鄭之出自厲王而晉之出自武王鄭君曰諸侯亡公子過此者衆安可盡禮叔瞻曰君不禮不如殺之且後為國患鄭君不聽重耳去之楚楚成王以適諸侯禮待之

索隱

適音敵重耳謝不敢當趙衰曰子亡在外十餘年小國輕

子況大國乎今楚大國而固遇子子其毋讓此天開子也遂以客禮見之成王厚遇重耳重耳甚卑成王曰子即反國何以報寡人重耳曰羽毛齒角玉帛君王所餘

未知所以報王曰雖然何以報不穀重耳曰即不得已

與君王以兵車會平原廣澤請辟王三舍

集解賈逵曰司馬法從遜

不過三舍三舍九十里也

楚將子玉怒曰王遇晉公子至厚今重耳

言不孫請殺之成王曰晉公子賢而困於外久從者皆

國器此天所置庸可殺乎且言何以易之

索隱子玉請殺重耳楚成

王不許言人之出言不可輕易之也

居楚數月而晉太子圉亡秦秦怨之

聞重耳在楚乃召之成王曰楚遠更數國乃至晉秦晉

接境秦君賢子其勉行厚送重耳重耳至秦繆公以宗

女五人妻重耳故子圉妻與往重耳不欲受司空季子

集解服虔曰
胥臣曰季也

曰其國且伐况其故妻子且受以結秦親

而求入子乃拘小禮忘大醜乎遂受繆公大歡與重耳

飲趙衰歌黍苗詩

集解韋昭曰詩云
芄黍苗陰雨膏之

繆公曰知子欲

急反國矣趙衰與重耳下再拜曰孤臣之仰君如百穀

之望時雨是時晉惠公十四年秋惠公以九月卒子圉

立十一月癸惠公十二月晉國大夫欒卻等聞重耳在

秦皆陰來勸重耳趙衰等反國為內應甚衆於是秦繆

公乃發兵與重耳歸晉晉聞秦兵來亦發兵拒之然皆

陰知公子重耳入也唯惠公之故貴臣呂卻之屬

正義呂甥

也

不欲立重耳重耳出亡凡十九歲而得入時年六

十二矣晉人多附焉文公元年春秦送重耳至河谷犯

曰臣從君周旋天下過亦多矣臣猶知之況於君乎請

從此去矣重耳曰若反國所不與子犯共者河伯視之

索隱視猶見也

乃投璧河中以與子犯盟是時介子推從在船

中乃笑曰天實開公子而子犯以為己功而要市於君

固足羞也吾不忍與同位乃自隱渡河秦兵圍令狐晉

軍於廬柳

集解韋昭曰廬柳晉地名

二月辛丑咎犯與秦晉大夫盟

於郇

集解杜預曰解縣西北有郇城索隱音荀即文王之子所封又音環

壬寅重耳入于

晉師丙午入于曲沃丁未朝于武宮

集解賈逵曰文公之祖武公廟也

即位為晉君是為文公羣臣皆往懷公圍奔高梁戊申

使人殺懷公懷公故大臣呂省卻芮本不附文公文公

立恐誅乃欲與其徒謀燒公宮殺文公文公不知始嘗

欲殺文公宦者履鞮知其謀欲以告文公解前罪求見

文公文公不見使人讓曰蒲城之事女斬予祛其後我
從狄君獵女為惠公來求殺我惠公與女期三日至而
女一日至何速也女其念之宦者曰臣刀鋸之餘不敢
以二心事君倍主故得罪於君君已反國其母蒲翟乎
且管仲射鉤桓公以霸今刑餘之人以事告而君不見
禍又且及矣於是見之遂以呂卻等告文公文公欲召
呂卻呂卻等黨多文公恐初入國國人賣已乃為微行
會秦繆公於王城

索隱杜預云馮翊臨晉縣東有故王城今名武鄉城

國人莫知

三月己丑呂卻等果反焚公宮不得文公文公之衛徒
與戰呂卻等引兵欲奔秦繆公誘呂卻等殺之河上晉
國復而文公得歸夏迎夫人於秦秦所與文公妻者卒
為夫人秦送三千人為衛以備晉亂文公修政施惠百
姓賞從亡者及功臣大者封邑小者尊爵未盡行賞周
襄王以弟帶難出居鄭地來告急晉晉初定欲發兵恐
他亂起是以賞從亡未至隱者介子推推亦不言祿祿
亦不及推曰獻公子九人唯君在矣惠懷無親外內弃

之天未絕晉必將有主主晉祀者非君而誰天實聞之

二三子以為己力不亦誣乎竊人之財猶曰是盜况貪

天之功以為己力乎下冒其罪上賞其姦上下相蒙

集解

服虔曰難與處矣其母曰盍亦求之以死誰懟推曰尤

蒙欺也

而效之罪有甚焉且出怨言不食其祿母曰亦使知之

若何對曰言身之文也身欲隱安用文之文之是求顯

也其母曰能如此乎與女偕隱至死不復見介子推從

者憐之乃懸書宮門曰龍欲上天五蛇為輔

索隱龍喻重耳五蛇

即五臣狐偃趙衰魏武子司空季子及子推也舊云五臣有先軫顓頊今恐二人非其數龍已升雲

四蛇各入其宇一蛇獨怨終不見處所文公出見其書

曰此介子推也吾方憂王室未圖其功使人召之則亡

遂求所在聞其入緜上山中

集解賈逵曰緜上晉地杜預曰西河介休縣南有地

名緜上

於是文公環緜上山中而封之以為介推田

集解徐廣

曰一作國

號曰介山以記吾過且旌善人

集解賈逵曰旌表也

從亡賤

臣壺叔曰君三行賞賞不及臣敢請罪文公報曰夫導

我以仁義防我以德惠此受上賞輔我以行卒以成立

此受次賞矢石之難汗馬之勞此復受次賞若以力事

我而無補吾缺者此受次賞三賞之後故且及于晉人

聞之皆說二年春秦軍河上將入王

索隱河上晉地

趙衰曰求

霸莫如入王尊周周晉同姓晉不先入王後秦入之毋

以令于天下方今尊王晉之資也三月甲辰晉乃發兵

至陽樊

其解服虔曰陽樊周地陽邑名也樊仲山之所居故曰陽樊

圍溫入襄王于

周四月殺王弟帶周襄王賜晉河內陽樊之地四年楚

成王及諸侯圍宋宋公孫固如晉告急先軫曰報施定

霸於今在矣

集解杜預曰報宋贈馬之施

狐偃曰楚新得曹而初婚

於衛若伐曹衛楚必救之則宋免矣於是晉作三軍

集解

王肅曰始復成國之禮半周軍也

趙衰舉郤穀將中軍郤溱佐之使狐

偃將上軍狐毛佐之命趙衰為卿欒枝將下軍

集解賈逵曰欒

枝欒賔之孫

先軫佐之荀林父御戎魏驪為右

正義驪昌由反又音受

往伐冬十二月晉兵先下山東而以原封趙衰

集解杜預曰河

內沁水縣西北有原城

五年春晉文公欲伐曹假道於衛衛人弗

許還自河南度侵曹伐衛正月取五鹿二月晉侯齊侯

盟于斂孟

集解杜預曰衛地也

衛侯請盟晉晉人不許衛侯欲與

楚國人不欲故出其君以說晉衛侯居襄牛

集解服虔曰衛地也

公子買守衛楚救衛不卒

集解徐廣曰一作勝

晉侯圍曹三月丙

午晉師入曹數之以其不用釐負羈言而用美女乘軒

者三百人也令軍毋入僖負羈宗家以報德楚圍宋宋

復告急晉文公欲救則攻楚為楚嘗有德不欲伐也欲

釋宋宋又嘗有德於晉患之

索隱晉若攻楚則傷楚子送其入秦之德又欲釋宋

不救乃虧宋公贈馬之惠進退有難是以患之先軫曰執曹伯分曹衛地以與

宋楚急曹衛其勢宜釋宋

索隱楚初得曹又新婚於衛今晉執曹伯而分曹衛之地

與宋則楚急曹衛其勢宜釋宋也

於是文公從之而楚成王乃引兵歸

楚將子玉曰王遇晉至厚今知楚急曹衛而故伐之是

輕王王曰晉侯亡在外十九年困日久矣果得反國險

阨盡知之能用其民天之所開不可當子玉請曰非敢

必有功願以間執讒慝之口也

集解服虔曰子玉非敢求有大功但欲執焉賈

讒慝之口謂子玉過三百乘不能入也杜預曰執猶塞也

楚王怒少與之兵於是子

玉使宛春告晉

集解賈逵曰宛春楚大夫

請復衛侯而封曹臣亦釋

宋咎犯曰子玉無禮矣君取一臣取二勿許

集解韋昭曰君文公

也臣子玉也一謂釋宋圍二謂復曹衛

先軫曰定人之謂禮楚一言定三

國子一言而亡之我則毋禮不許楚是棄宋也不如私

許曹衛以誘之執宛春以怒楚

集解韋昭曰怒楚令必戰

既戰而後

圖之

集解杜預曰須勝負決乃定計

晉侯乃囚宛春於衛且私許復曹

衛曹衛告絕於楚楚得臣怒

集解駟案得臣即子玉

擊晉師晉師

退軍吏曰為何退文公曰昔在楚約退三舍可倍乎楚

師欲去得臣不肯四月戊辰宋公齊將秦將與晉侯次

城濮

集解賈逵曰衛地也索隱宋公成王臣齊將國歸父秦將小子憖也

己巳與楚兵

合戰楚兵敗得臣收餘兵去甲午晉師還至衡雍

集解杜預

曰衡雍鄭地今滎陽卷縣也

作王宮于踐土

集解服虔曰既敗楚師襄王自往臨踐土賜命

晉侯晉侯聞而為之作宮索隱杜預云踐土鄭地然據此大晉師還至衡雍衡雍在河南也故劉氏云踐土在河南下文踐土在河北今元城縣西有踐土驛義或然也

初鄭助楚楚敗懼使人請

盟晉侯晉侯與鄭伯盟五月丁未獻楚俘於周

正義俘音孚囚

也駟介百乘徒兵千

集解服虔曰駟介馬馬被甲也徒兵步卒也

天子使王

子虎命晉侯為伯

集解賈逵曰王子虎周大夫

賜大輅彤弓矢百旅

弓矢千

集解賈逵曰大輅金輅彤弓赤旅弓黑也諸侯賜弓矢然後征伐正義彤徒冬反旅音盧

鬯一卣珪瓚

集解賈逵曰秬黑黍鬯香酒也所以降神卣器名諸侯賜珪瓚然後為鬯

虎賁

三百人

集解賈逵曰天子卒曰虎賁

晉侯三辭然後稽首受之

集解賈逵

曰稽首首至地

周作晉文侯命王若曰父義和

集解孔安國曰同姓故稱曰父

馬融曰王順曰父能以義和我諸侯索隱尚書文侯之命是平王命晉文侯仇之語今此乃是襄王命文公重耳之事代數懸隔勲策全平太史公雖復彌縫左氏而系家頗亦時有疎謬裴氏集解亦引孔馬之注而卻不言時代乖角何習迷而同辭也然計平王至襄王為七代仇至重耳為十一代而十三侯又平王元年至魯僖二十八年當襄二十年為一百三十餘歲矣學者頗合討論之劉伯莊以為蓋天子命晉同此一辭尤為非也

丕顯文武能慎明德

集解孔安國曰文王武王能詳慎顯用明德

昭登於上

布聞在下

集解馬融曰昭明也上謂天下謂人

維時上帝集厥命于文武

集解

孔安國曰惟以是故

恤朕身繼予一人永其在位

集解

其王命德流于孫

身則我一人

於是晉文公稱伯癸亥王子

虎盟諸侯於王庭

集解服虔曰王庭踐土也索隱服氏知王庭是踐土者據二十八年五月

公會晉侯盟于踐土又此上文四月甲午作王宮于踐土王庭即王宮也

晉焚楚軍火數日

不息文公歎左右曰勝楚而君猶憂何文公曰吾聞能

戰勝安者唯聖人是以懼且子玉猶在庸可喜乎子玉

之敗而歸楚成王怒其不用其言貪與晉戰讓責子玉
子玉自殺晉文公曰我擊其外楚誅其內內外相應於
是乃喜六月晉人復入衛侯壬午晉侯度河北歸國行
賞孤偃為首或曰城濮之事先軫之謀文公曰城濮之
事偃說我毋失信先軫曰軍事勝為右吾用之以勝然
此一時之說偃言萬世之功奈何以一時之利而加萬
世功乎是以先之冬晉侯會諸侯於溫欲率之朝周力
未能恐其有畔者乃使人言周襄王狩于河陽壬申遂

率諸侯朝王於踐土

索隱左氏五月盟于踐土冬會諸侯于溫天王狩于河陽壬申朝于

王所此文亦說冬朝于王當合于河陽溫地不合取五月踐土之文也

孔子讀史記至文

公曰諸侯無召王王狩河陽者春秋諱之也丁丑諸侯

圍許曹伯臣或說晉侯曰齊桓公合諸侯而國異姓今

君為會而滅同姓曹叔振鐸之後晉唐叔之後合諸侯

而滅兄弟非禮晉侯說復曹伯於是晉始作三行

集解服虔

曰辟天子六軍故謂之三行

荀林父將中行先穀將右行

索隱左傳屠擊將右

行與此文異

先蔑將左行

集解杜預曰三行無佐疑大夫帥也索隱按左傳荀林父並是卿而

云大夫帥者非也不置佐者常避天子也或新置三行官未備耳

七年晉文公秦穆公

共圍鄭以其無禮於文公亡過時及城濮時鄭助楚也

圍鄭欲得叔瞻叔瞻聞之自殺鄭持叔瞻告晉晉曰必

得鄭君而甘心焉鄭恐乃問令使謂秦穆公曰

索隱使謂燭之

武也亡鄭厚晉於晉得矣而秦未為利君何不解鄭得為

東道交

索隱交猶好也諸本及左氏皆作主

秦伯說罷兵晉亦罷兵九年

冬晉文公卒子襄公謹立是歲鄭伯亦卒鄭人或賣其

國於秦

正義左傳云秦晉伐鄭燭之武說秦師罷令杞子逢孫揚孫三大夫戍鄭杞子自鄭使告於秦

曰鄭人使我掌其北門之管若潛師以來國可得也秦繆公發兵往襲鄭十二月

秦兵過我郊襄公元年春秦師過周無禮王孫滿譏之

兵至滑鄭賈人弦高將市于周遇之以十二牛勞秦師

秦師驚而還滅滑而去晉先軫曰秦伯不用蹇叔反其

衆心此可擊欒枝曰未報先君施於秦擊之不可先軫

曰秦侮吾孤伐吾同姓何德之報遂擊之襄公墨衰經

集解賈逵曰墨變凶杜預四月敗秦師于殽虜秦三將

曰以凶服從戎故墨之

孟明視西乞林白乙丙以歸遂墨以葬文公

集解服虔曰非禮也

杜預日記禮
所由變也

文公夫人秦女謂襄公曰秦欲得其三將

戮之公許遣之先軫聞之謂襄公曰患生矣軫乃追秦

將秦將渡河已在船中頓首謝卒不反後三年秦果使

孟明伐晉報殽之敗取晉汪以歸

索隱左氏傳文公二年秦孟明視伐晉報

殽之役無取晉汪之事又其年冬晉先且居等伐秦取

汪彭衙而還則汪是秦邑止可晉伐秦取之豈得秦伐

晉而取汪也或者晉先取之秦今伐晉而取汪是汪從

晉來故云取晉汪而歸也彭衙在郃陽北汪不知所在

四年秦繆公大興兵伐我渡河取王官

正義括地志云王官故城在同

州澄城縣西北六十里左傳文三年秦伐

晉取王官即此先言渡河史文顛倒耳

封殽尸而去

晉恐不敢出遂城守五年晉伐秦取新城

集解服虔曰秦邑新所作

城也報王官役也六年趙衰成子欒貞子咎季子犯霍伯

皆卒

集解賈逵曰欒貞子欒枝也霍伯先且居也

趙盾代趙衰執政七年八

月襄公卒太子夷臯少晉人以難故

集解服虔曰晉國數有患難欲

立長君趙盾曰立襄公弟雍好善而長先君愛之且近

於秦秦故好也立善則固事長則順奉愛則孝結舊好

則安賈季曰不如其弟欒辰羸嬖於二君

集解服虔曰辰羸懷羸也

二君懷公大公

立其子民必安之趙盾曰辰羸賤班在九人下

集解服虔曰班次也

其子何震之有

集解賈逵曰震威也

且為二君嬖淫也

為先君子

正義樂文公子也

不能求大而出在小國僻也母淫

子僻無威

正義僻疋亦反言樂僻隱在陳而遠三援也

陳小而遠無援將何

可乎使士會如秦迎公子雍賈季亦使人召公子樂於

陳趙盾廢賈季以其殺陽處父

集解駟案左傳曰此時賈他為太師陽處父為

太傳十月葬襄公十一月賈季奔翟是歲秦穆公亦卒靈

公元年四月秦康公曰昔文公之入也無衛故有呂卻

之患乃多與公子雍衛太子母繆嬴日夜抱太子以號

泣於朝曰先君何罪其嗣亦何罪舍適而外求君將安

置此

集解服虔曰此太子

出朝則抱以適趙盾所頓首曰先君奉

此子而屬之子曰此子材吾受其賜不材吾怨子

集解王肅

曰怨其教導不至也

今君卒言猶在耳

集解杜預曰在宣子之耳

而棄之若何

趙盾與諸大夫皆患穆嬴且畏誅乃背所迎而立太子

夷臯是為靈公發兵以距秦送公子雍者趙盾為將往

擊秦敗之令狐先蔑隨會亡奔秦秋齊宋衛鄭曹許君

皆會趙盾盟於扈

集解杜預曰鄭地滎陽卷縣西北有扈亭

以靈公初立故

也四年伐秦取少梁秦亦取晉之郤

集解徐廣曰年表云北徵也索隱按

左傳文十年春晉人伐秦取少梁夏秦伯伐晉取北徵北徵即年表所謂今云郤者字誤也徵音懲亦馮翊之

縣名六年秦康公伐晉取羈馬晉侯怒使趙盾趙穿卻缺

擊秦大戰河曲趙穿最有功七年晉六卿患隨會之在

秦常為晉亂乃詳令魏壽餘反晉降秦秦使隨會之魏

因執會以歸晉八年周頃王崩公卿爭權故不赴索隱春秋

魯文十二年頃王崩周公閱與王孫蘇爭政故不赴是也晉使趙盾以車八百乘平

周亂而立匡王

索隱左傳文十四年晉趙盾以諸侯之師八百乘納捷菑于邾不克乃還而周

公閱與王孫蘇訟于晉趙宣子平王室而復之則以車八百乘自是宣子納邦捷菑不闕王室之事但文相連耳恐是年楚莊王初即位十二年齊人弑其君懿公十此誤

四年靈公壯侈厚斂以彫牆

集解賈逵曰彫畫也

從臺上彈人觀

其避丸也宰夫肺熊蹯不熟

集解服虔曰蹯熊掌其肉難熟正義肺音而蹯音樊

靈公怒殺宰夫使婦人持其屍出棄之過朝趙盾隨會

前數諫不聽已又見死人手二人前諫隨會先諫不聽

靈公患之使鉏麇刺趙盾

集解賈逵曰鉏麇晉力士正義鉏音鋤麇音迷

盾聞

門開居處節鉏麇退歎曰殺忠臣棄君命罪一也遂觸

樹而死

集解杜預曰趙盾庭樹也

初盾嘗田首山

集解徐廣曰蒲坂縣有雷首山見

桑下有餓人餓人示眯明也

索隱鄒誕生音示眯為祁彌即左傳之提彌明也提

音市移反劉氏亦音祁為時移反則祁提二字同音也而凡史記作示者示即周禮古本地神曰祗皆作示字鄒為祁者蓋由祁提音相近字遂變為祁也眯音米移反以眯為彌亦音相近耳又據左氏宣公二年桑下餓人是靈輒也其示眯明是嗾獒者也眯明闕而死今合二人為一人殆非也

盾與之食食其

半問其故曰宦三年

集解服虔曰宦官學士也

未知母之存不願遺

母盾義之並與之飯肉已而為晉宰夫趙盾弗復知也

九月晉靈公飲趙盾酒伏甲將攻盾公宰示眯明知之

恐盾醉不能起而進曰君賜臣觴三行

索隱如字

可以罷欲

以去趙盾令先母及難盾既去靈公伏士未會先縱齧

狗名教

集解何休曰犬四尺曰教索隱縱足用反又作啖又作就同素后反

明為盾搏殺

狗盾曰棄人用狗雖猛何為然不知明之為陰德也已

而靈公縱伏士出逐趙盾示眯明反擊靈公之伏士伏

士不能進而竟脫盾盾問其故曰我桑下餓人問其名

弗告

集解服虔曰不望報

明亦因亡去盾遂奔未出晉境乙丑盾

昆弟將軍趙穿襲殺靈公於桃園

集解虞翻曰園名也

而迎趙盾

趙盾素貴得民和靈公少侈民不附故為弒易

索隱以
致反

盾復位晉太史董狐書曰趙盾弒其君以視於朝盾曰

弒者趙穿我無罪太史曰子為正卿而亡不出境反不

誅國亂非子而誰孔子聞之曰董狐古之良史也書法

不隱

集解杜預曰
不隱盾之罪

宣子良大夫也為法受惡

集解服虔
曰聞義則

服杜預曰善其為法受
屈也正義為于偽反

惜也出疆乃免

集解杜預曰越
境則君臣之義

絕可以不
討賊也

趙盾使趙穿迎襄公弟黑臀于周而立之是

為成公成公者文公少子其母周女也壬申朝于武宮

成公元年賜趙氏為公族

集解服虔曰公族大夫也

伐鄭鄭倍晉故

也三年鄭伯初立附晉而棄楚楚怒伐鄭晉往救之六

年伐秦虜秦將赤

索隱赤即斥謂斥候之人也按宣八年左傳云晉伐秦獲秦謀殺諸絳市

蓋彼謀即此赤也晉成公六年與魯宣八年正同故知然也

七年成公與楚莊王爭

彊會諸侯于扈陳畏楚不會晉使中行桓子伐陳

索隱桓子

荀林父也

因救鄭與楚戰敗楚師是年成公卒子景公據立

景公元年春陳大夫夏徵舒弑其君靈公二年楚莊王

伐陳誅徵舒三年楚莊王圍鄭鄭告急晉晉使荀林父

將中軍隨會將上軍趙朔將下軍郤克櫟書先穀韓厥
鞏朔佐之六月至河聞楚已服鄭鄭伯肉袒與盟而去
荀林父欲還先穀曰凡來救鄭不至不可將率離心卒
度河楚已服鄭欲飲馬于河為名而去楚與晉軍大戰
鄭新附楚畏之反助楚攻晉晉軍敗走河爭度船中人
指甚衆楚虜我將智瑩歸而林父曰臣為督將軍敗當
誅請死景公欲許之隨會曰昔文公之與楚戰城濮成
王歸殺子玉而文公乃喜今楚已敗我師又誅其將是

助楚殺仇也乃止四年先穀以首計而敗晉軍河上恐

誅乃奔翟與翟謀伐晉晉覺乃族穀穀先軫子也五年

伐鄭為助楚故也是時楚莊王彊以挫晉兵河上也六

年楚伐宋宋來告急晉晉欲救之伯宗謀曰

集解賈逵曰伯宗晉

夫楚天方開之不可當乃使解揚給為救宋

集解服虔曰解揚晉

夫鄭人執與楚楚厚賜使反其言令宋急下解揚給許

之卒致晉君言楚欲殺之或諫乃歸解揚七年晉使隨

會臧赤狄八年使卻克於齊齊頃公母從樓上觀而笑

之所以然者郤克僂而魯使蹇衛使眇故齊亦令人如之以導容郤克怒歸至河上曰不報齊者河伯視之至國請君欲伐齊景公問知其故曰子之怨安足以煩國弗聽魏文子請老休辟郤克克執政九年楚莊王卒晉伐齊齊使太子彊為質於晉晉兵罷十一年春齊伐魯

取隆

索隱劉氏云隆即龍也魯北有隆山又此年當魯成二年經書齊侯伐我北鄙傳曰圍龍又鄙誕及

別本作侑字侑當作鄆文十二年季孫行父帥師城魯諸及鄆鄆即侑也字變耳地理志云在東宛縣東

告急衛衛與魯皆因郤克告急於晉乃使郤克欒書韓

厥以兵車八百乘與魯衛共伐齊夏與頃公戰於鞌

索隱

地名傷困頃公頃公乃與其右易位下取飲以得脫去齊

師敗走晉追北至齊頃公獻寶器以求平不聽卻克曰

必得蕭桐姪子為質

索隱傳作叔子

齊使曰蕭桐姪子頃公母

頃公母猶晉君母奈何必得之不義請復戰晉乃許與

平而去楚申公巫臣盜夏姬以奔晉晉以巫臣為邢大

夫

集解賈逵曰邢晉邑

十二年冬齊頃公如晉欲上尊晉景公為

王景公讓不敢晉始作六卿

集解賈逵曰初作六軍僭王也

韓厥鞏朔

趙穿荀驪趙括趙旃皆為卿

索隱驪音佳
諡文子也

智瑩自楚歸

十三年魯成公朝晉晉弗敬魯怒去倍晉晉伐鄭取汜

十四年梁山崩

集解駢案公羊傳曰梁山河上
山杜預曰在馮翊夏陽縣北也

問伯宗

伯宗以為不足怪也

集解徐廣曰年表云
伯宗隱其人用其言

十六年楚將

子反怨巫臣滅其族巫臣怒遺子反書曰必令子罷於

奔命乃請使吳令其子為吳行人教吳乘車用兵吳晉

始通約伐楚十七年誅趙同趙括族滅之韓厥曰趙衰

趙盾之功豈可忘乎奈何絕祀乃復令趙庶子武為趙

後復與之邑十九年夏景公病立其太子壽曼為君是

為厲公後月餘景公卒厲公元年初立欲和諸侯與秦

桓公夾河而盟歸而秦倍盟與翟謀伐晉三年使呂相

讓秦

集解賈逵曰呂相晉大夫

因與諸侯伐秦至涇敗秦於麻隧虜

其將成差五年三郤讒伯宗殺之

集解賈逵曰三郤郤錡郤犇郤至

伯

宗以好直諫得此禍國人以是不附厲公六年春鄭倍

晉與楚盟晉怒欒書曰不可以當吾世而失諸侯乃發

兵厲公自將五月渡河聞楚兵來救范文子請公欲還

郤至曰發兵誅逆見彊辟之無以令諸侯遂與戰癸巳

射中楚共王目楚兵敗於鄢陵

集解徐廣曰一作馬服度曰鄢陵鄭之東南地

也索隱鄢音

子反收餘兵拊循欲復戰晉患之共王召

子反其侍者豎陽穀進酒子反醉不能見王怒讓子反

子反死王遂引兵歸晉由此威諸侯欲以令天下求霸

厲公多外嬖姬歸欲盡去羣大夫而立諸姬兄弟寵姬

兄曰胥童嘗與郤至有怨及櫟書又怨郤至不用其計

而遂敗楚

集解駢案左傳曰櫟書欲待楚師退而擊之郤至云楚有六閭不可失也

乃使人

問謝楚楚來詐厲公曰鄢陵之戰實至召楚欲作亂內

子周立之會與國不具是以事不成厲公告欒書欒書

曰其殆有矣願公試使人之周

集解虞翻曰周京師

微考之果使

卻至於周欒書又使公子周見卻至卻至不知見賣也

厲公驗之信然遂怨卻至欲殺之八年厲公獵與姬飲

卻至殺豕奉進宦者奪之

索隱宦者孟張

卻至射殺宦者公怒

曰季子欺予

集解杜預曰公反以為卻至奪豕也

將誅三卻未發也卻錡

欲攻公曰我雖死公亦病矣卻至曰信不反君智不害

民勇不作亂失此三者誰與我我死耳十二月壬午公

令胥童以兵八百人襲攻殺三卻胥童因以劫欒書中

行偃于朝曰不殺二子患必及公公曰一旦殺三卿寡

人不忍益也對曰人將忍君

集解杜預曰人謂書偃

公弗聽謝欒

書等以誅卻氏罪大夫復位二子頓首曰幸甚幸甚公

使胥童為卿閏月乙卯厲公游匠驪氏

集解賈逵曰匠驪氏晉外嬖大

夫在翼者

欒書中行偃以其黨襲捕厲公囚之殺胥童而使

人迎公子周

集解徐廣曰一作糾

于周而立之是為悼公悼公元

年正月庚申樂書中行偃弑厲公葬之

集解駟案左傳曰葬之于冀東

門之以一來車

集解杜預曰言不以君禮葬也諸侯葬車七乘

厲公囚六日死

死十日庚午智瑩迎公子周來至絳刑雞與大夫盟而

立之是為悼公辛巳朝武宮二月乙酉即位悼公周者

其大父捷晉襄公少子也不得立號為桓叔桓叔最愛

桓叔生惠伯談談生悼公周周之立年十四矣悼公曰

大父父皆不得立而辟難於周客死焉寡人自以疎遠

毋幾為君

索隱幾音冀謂望也

今大夫不忘文襄之意而惠立桓

叔之後賴宗廟大夫之靈得奉晉祀豈敢不戰戰乎大

夫其亦佐寡人於是遂不臣者七人修舊功施德惠收

文公入時功臣後秋伐鄭鄭師敗遂至陳三年晉會諸

侯

索隱於
難澤也

悼公問羣臣可用者祁僎舉解狐解狐僎之

仇復問舉其子祁午君子曰祁僎可謂不黨矣外舉不

隱仇內舉不隱子方會諸侯悼公弟楊干亂行

集解賈逵曰行

陳魏絳戮其僕

集解賈逵曰僕御也

悼公怒或諫公公卒賢絳任

之政使和我戎大親附十一年悼公曰自吾用魏絳九

合諸侯

集解服虔曰九合謂一會于戚二會城棣救陳三會于鄒四會于邢五同盟于戲六會于祖

七戍鄭虎牢八同盟于毫城北九會于蕭魚

和我翟魏子之力也賜之樂三

讓乃受之冬秦取我櫟

索隱音歷釋例云在河北地闕

十四年晉使六

卿率諸侯伐秦度涇大敗秦軍至棧林而去十五年悼

公問治國於師曠師曠曰唯仁義為本冬悼公卒子平

公彪立平公元年伐齊齊靈公與戰靡下

集解徐廣曰靡一作歷索

隱劉氏靡音眉綺反即靡筭也

齊師敗走晏嬰曰君亦毋勇何不止戰

遂去晉追遂圍臨菑盡燒屠其郭中東至膠南至沂齊

皆城守晉乃引兵歸六年魯襄公朝晉晉欒逞有罪奔
齊八年齊莊公微遣欒逞於曲沃以兵隨之齊兵上太
行欒逞從曲沃中反襲入絳絳不戒平公欲自殺范獻
子止公以其徒擊逞逞敗走曲沃曲沃攻逞逞死遂滅
欒氏宗逞者欒書孫也

集解駟案左
傳逞作盈

其入絳與魏氏謀

齊莊公聞逞敗乃還取晉之朝歌去以報臨菑之役也
十年齊崔杼弑其君莊公晉因齊亂伐敗齊於高唐去
報太行之役也十四年吳延陵季子來使與趙文子韓

宣子魏獻子語曰晉國之政卒歸此三家矣十九年齊

使晏嬰如晉與叔嚮語叔嚮曰晉季世也公厚賦為臺

池而不恤政政在私門其可久乎晏子然之二十二年

伐燕二十六年平公卒子昭公夷立昭公六年卒六卿

彊公室卑

索隱韓趙魏范中行及智氏為六卿後
韓趙魏為三卿而分晉政故曰三晉

子頃

公去疾立頃公六年周景王崩王子爭立晉六卿平王

室亂立敬王九年魯季氏逐其君昭公昭公居乾侯十

一年衛宋使使請晉納魯君季平子私賂范獻子獻子

受之乃謂晉君曰季氏無罪不果入魯君十二年晉之

宗家祁僕孫叔嚮子相惡於君六卿欲弱公室乃遂以

法盡滅其族而分其邑為十縣各令其子為大夫晉益

弱六卿皆大十四年頃公卒子定公午立定公十一年

魯陽虎奔晉趙鞅簡子舍之十二年孔子相魯十五年

趙鞅使邯鄲大夫午不信欲殺午午與中行寅范吉射

親攻趙鞅

索隱寅荀偃之孫射音亦范獻子士鞅之子

鞅走保晉陽定公圍

晉陽荀櫟韓不信魏侈與范中行為仇乃移兵伐范中

行范中行反晉君擊之敗范中行范中行走朝歌保之

韓魏為趙鞅謝晉君乃赦趙鞅復位二十二年晉敗范

中行氏二子奔齊三十年定公與吳王夫差會黃池爭

長趙鞅時從卒長吳

集解徐廣曰吳世家說黃池之盟云趙鞅怒將戰吳乃長晉定公左

氏傳云乃先晉人外傳云吳公先歆晉公次之

三十一年齊田常弑其君簡公

而立簡公弟驁為平公三十三年孔子卒三十七年定

公卒子出公鑿立出公十七年

集解徐廣曰年表云出公立十八年或云二十

年

知伯與趙韓魏共分范中行地以為邑出公怒告齊

魯欲以伐四卿

索隱時趙魏韓共滅范氏及中行氏而分其地猶有智氏與三晉故云四卿

四卿恐遂反攻出公出公奔齊道死故知伯乃立昭公

曾孫驕為晉君是為哀公

索隱趙系家云驕是為懿公又年表云出公十八年次哀

公忌二年次懿公驕十七年紀年又云出公二十三年奔楚乃立昭公之孫是為敬公系本亦云昭公生禮桓公子雍生忌忌生懿公驕然晉趙系家及年表並皆不同何況紀年之說也

哀公大父雍晉

昭公少子也號為戴子

集解徐廣曰世本作桓子雍注云戴子

戴子生忌

忌善知伯早死故知伯欲盡并晉未敢乃立忌子驕為

君當是時晉國政皆決知伯晉哀公不得有所制知伯

遂有范中行地最彊哀公四年趙襄子韓康子魏桓子

共殺知伯盡并其地

索隱如紀年之說此乃出公二十二年事

十八年哀公

卒子幽公柳立幽公之時晉畏反朝韓趙魏之君

索隱畏懼

也為衰弱故反朝韓趙魏也宋忠引此注系本而畏字作哀

獨有絳曲沃餘皆入三

晉十五年魏文侯初立

索隱按紀年魏文侯初立在敬公十八年

十八年幽

公淫婦人夜竊出邑中盜殺幽公

索隱紀年云夫人秦嬴賊公於高寢之上

魏文侯以兵誅晉亂立幽公子止是為烈公

索隱系本幽公生烈

成公止又年表云魏誅幽公立其弟止也

烈公十九年周威烈王賜趙韓魏

皆命為諸侯二十七年烈公卒子孝公頌立

索隱系本云孝公頌

欣紀年以孝公為桓公故韓子有晉桓侯

孝公九年魏武侯初立襲邯鄲不

勝而去十七年孝公卒

索隱紀年云桓公二十年趙成侯韓共侯遷桓公於屯留已後

更無晉事

子靜公俱酒立

索隱系本云靜公俱也

是歲齊威王元年也

靜公二年魏武侯韓哀侯趙敬侯滅晉侯而三分其地

索隱紀年云魏武侯以桓公十九年卒韓哀侯趙敬侯並以桓公十五年卒又趙系家列侯十六年與韓分晉

封晉君端氏其後十年肅侯徙晉於屯留不同也

靜公遷為家人晉絕不祀

太史公曰晉文公古所謂明君也亡居外十九年至困

約及即位而行賞尚忘介子推况驕主乎靈公既弑其
後成景致嚴至厲太刺大夫懼誅禍作悼公以後日衰
六卿專權故君道之御其臣下固不易哉

索隱述贊曰天命叔虞卒封於唐桐圭既削河汾是
荒文侯雖嗣曲沃日彊未知本末詐傾桓莊獻公昏
惑太子罹殃重耳致霸朝周河陽靈既
喪德厲亦無防四卿侵侮晉祚遽亡

史記卷三十九

史記卷三十九考證

晉世家初武王與叔虞母會時夢天謂武王曰余命女
生子名虞○左傳疏曰世家謂此夢為武王之夢也
若是武王之夢此傳直云武王方生太叔其文足矣
何以須言邑姜方震也邑姜方震而夢明是邑姜夢
矣安得以為武王夢也薄姬之夢龍據其身燕姁之
夢蘭為已子彼皆夢發于母此何以夢發于父是馬
遷之妄言耳

史佚曰天子無戲言言則史書之禮成之樂歌之○說苑君道篇又以為周公曰言則史書之工誦之士稱之褚先生補梁孝王世家亦作周公

唐叔子燮是為晉侯正義宗國都城記唐叔虞之子燮父徙居晉水傍今并理故唐城唐者即燮父初徙之處○秦藩本此下有其城南半入州城中削為坊城牆北半見在共十七字

孝侯八年曲沃桓叔卒○年表作九年

孝侯十五年曲沃莊伯弑其君晉孝侯于翼○左傳魯
惠之四十五年曲沃莊伯伐翼弑孝侯年表作十六
年

曲沃莊伯聞鄂侯卒乃興兵伐晉○毛詩唐風疏曰隱
五年左傳曲沃莊伯伐翼翼侯奔隨秋王命虢父伐
曲沃而立哀侯于翼六年傳曰翼九宗五正須父之
子嘉父逆晉侯于隨納諸鄂晉人謂之鄂侯則哀侯
之立鄂侯未卒世家則言卒

晉侯緡四年宋執鄭祭仲而立突為鄭君○左傳此事在魯桓之十一年於晉侯為五年年表作六年此又作四年

晉侯十九年齊人管至父弑其君襄公○左傳及齊世家年表於魯為莊之八年於齊為襄之十二年合之晉侯當是二十一年此作十九年

先晉穆侯曾孫也索隱晉有兩穆侯言先以別後○臣

照按三代世表及左氏並無兩穆侯以別先後索隱

不知何據而作此論也然則先者何益起事之辭猶
左傳云初也

獻公元年周惠王弟頹攻惠王○左傳周本紀鄭世家
年表俱在惠王之二年於獻公亦二年

太子申生其母齊桓公女也曰齊姜○臣照按左傳齊

姜為武公之妾獻公烝之生秦穆夫人及太子申生
晉世家云獻公即位重耳年二十一證之年表重耳
生年為齊襄之元年後十二年齊桓方立申生為太

子其年必長於重耳齊姜二十而生申生在齊桓即位之年已三十餘歲矣齊桓在位四十三年即位時亦不過與齊姜之年相上下焉得謂為其女乎孔穎達左傳疏亦詳辨之

申生同母女弟為秦穆公夫人○秦本紀云太子申生姊左傳亦叙在申生上此則云女弟或弟字為弟字之訛

夷吾母重耳母女弟也○臣照按左傳獻公娶二女於

戎大戎狐姬生重耳小戎子生夷吾杜預注云大戎
唐叔子孫別在戎狄者小戎允姓之戎子女也正義
曰晉語云狐氏出自唐叔狐伯行之子實生重耳狐
偃其舅也昭九年傳曰先王居禱杙于四裔故允姓
之戎居於瓜州知戎為允姓也此以夷吾母即重耳
母之女弟盍以大戎子小戎子之稱而淆訛也左傳
疏曰號射惠公之舅狐偃文公之舅二母固不得為
姊妹矣

獻公子八人○

臣照

按左傳介子推曰獻公之子九人

即下文敘介子推語亦曰九人也則八字乃九字之

訛耳

趙衰曰土者有土也君其拜受之○左傳作子犯之言
且言何以易之索隱言人之出言不可輕易之也○臣

照

按楚子之意謂重耳言不可易也玉帛之會則有

定典無磬國以事人之理唯兵車之會乃得以退避
申報而數極于三退三舍以避可以報矣真有國家

者之言何以易之猶孟子言聖人不易我言之易非
小司馬之說也

聞其入綿上山中於是文公環綿上山中而封之以為
介推田號曰介山○顧炎武曰左傳晉侯求之不獲
以綿上為之田蓋子推既隱求之不得未幾而死故
以田祿其子耳楚辭九章云思久故之親身兮因縞
素而哭之明文公在時之推已死史記則云聞其入
緇上山云云然則受此田者何人乎於義有所不通

矣

趙衰曰求霸莫如入王尊周○左傳作狐偃之言

而用美女乘軒者三百人也○徐孚遠曰乘軒三百人
蓋小人濫位詩所謂三百赤芾也史云美女亦誤

六年趙衰成子欒貞子咎季子犯霍伯皆卒○左傳是
年祇書四大夫卒而子犯不書則子犯不死于是年
明矣年表亦同子犯二字蓋衍

子景公據立○左傳據作孺

魏文子請老休辟卻克○左傳請老以辟卻克者范文子也

十七年誅趙同趙括族滅之韓厥曰趙衰趙盾之功豈可忘乎奈何絕祀乃復令趙庶子武為趙後復與之邑○徐孚遠曰此與趙世家所載不同

立其太子壽曼為君○春秋經壽曼作州蒲

秋伐鄭鄭師敗遂至陳○左傳晉韓厥伐鄭入其郛敗其徒兵于洧上晉師自鄭以鄆之師侵楚焦夷及陳

在悼公二年之夏五月此作元年秋也

平公元年伐齊○左傳伐齊事在魯襄之十八年於晉平爲三年年表同此作元年

九年魯季氏逐其君昭公昭公居乾侯○左傳昭公是年居鄆晉頃之十二年乃居乾侯

十五年趙鞅使邯鄲大夫午不信欲殺午午與中行寅范吉射親攻趙鞅○左傳晉趙鞅謂邯鄲午曰歸我衛貢五百家吾舍諸晉陽午許諾歸告其父兄父兄

不可趙孟怒召午而囚諸晉陽遂殺午趙稷涉賓以邯鄲叛夏六月上軍司馬籍秦圍邯鄲邯鄲午荀寅之甥也荀寅范吉射之姻也而相與睦故不與圍邯鄲秋七月范氏中行氏伐趙氏之宮據此是午前死而范中行乃攻趙鞅也此則云午與范中行親攻趙鞅與范中行為仇

荀櫟韓不信魏侈○左傳作荀躒魏曼多

三十年定公與吳王夫差會黃池爭長趙鞅時從卒長

吳○黃震日抄曰黃池之會吳晉爭長而史於吳世家曰長晉於晉世家曰長吳自相矛盾未知孰是

子出公鑿立○六國年表鑿作錯

史記卷三十九考證

謹案卷三十九第十三頁後一行使屠岸夷迎公
子重耳於翟刊本訛作使屠岸迎夷吾公子重
耳於翟據國語改

第十四頁前一行命邳鄭以負葵之田刊本葵訛
蔡據國語改

第十五頁後七行八行事見僖十一年刊本一訛
二據左傳改

第二十頁前五行平陽元城縣東亦有五鹿據左

傳注平陽當作陽平

第二十五頁後四行繇上晉地刊本繇訛繇據監
本改

第三十八頁前七行地理志云在東宛縣東考漢
書地理志無東宛縣惟北海有東莞注孟康曰
故鄆邑今鄆亭是也此所引蓋誤以孟注作志
文而莞又誤宛

第四十二頁後一行九合謂一會于戚刊本謂字

訛在一下又三會于鄒刊本鄒訛鄆六會于祖
刊本祖訛相並據春秋傳改

第四十二頁後二行八同盟于亳城北刊本亳訛
亳今改



總校官庶吉士臣侍朝

校對官檢討臣王鍾健

謄錄貢生臣張映杓